

傭廬集千字文聯

佩珩
題端

備廬集千字文聯序言

壬申二月既望就參議職下榻硝磺總局梁君鈞甫處嗣以局務易大乃移住益發合銀行其經理孫秀三王子衡兩君任余之自便余亦不稍存客氣以自外余居樓上日臨智永禪師真書千字文百餘字臨寫之餘偶思集字爲聯語初亦乘興爲之無成心也後乃愈引愈長層出不窮至一百數十聯既而思之雖集徧千文亦可能之事乃復按字集之至二百七十七聯已無贅字後又增加若干以搜賸意雖係閒中筆墨近於游戲然論古慨今談理抒情上下千古縱橫萬里極其筆力所之亦時有出於意外之處固不足當大雅之一盼若初學見之亦導引性靈運用典故之一法獨客中無書未暇檢閱祇憑臆造不無儉陋之譏耳五月十三日備廬識於益發銀行樓上

共四百一十八條

十言二條

十一言一條

十二言三條

十三言十一條

十四言六條

十五言二條

十六言六十三條

十七言一百三十三條

十八言七條

十九言八十三條

共四百一十八條

傭廬集千字文聯

五言

蘭池清夏氣

智永本清作清

松觀寫秋聲

大兒孔文舉

高宗商武丁

琴委絃中散

途悲阮步兵

世少大人跡

誰爲王佐才

英辭映日月

高義逼天雲

席珍尊國士

承旨達王言

設伏兵家事

忘骸逸士心

子文功霸楚

魏奄禍亡明

刑于資雅化

弊極啓新機

集臺傳書跡

圖形賴畫師

位列上中下

才分天地人

善因結善果

仁性發仁心

神靜妙無累

德輶比有倫

老莊非忘世

孔孟淑諸人

大道直如髮

孤懷默運心

天遠雲無極

江流月有聲

古跡尋秦漢

高懷慕綺園

驅轂陪冠帶

知音辨瑟琴

朗日暉樓觀

浮雲翳漢霄

君實厭安石

景清忠建文

率性之謂道

能磨豈曰堅

水流心最靜

雲動意潛移

欣奏房中樂

遙瞻天上人

學以通爲貴

詩維新最難

九如譽岡阜

八表定巖壘

蓋

修辭翦枝葉

立德敦本根

王維傳善畫

高適晚能詩

重臣爲宰相

餘事作詩人

俗累誰能黜

真機祇獨知

通起朝儀制

叔孫通

何成律志書

蕭何

大海羣魚躍

寥天一雁飛

侈富生罔想

饑寒起盜心

豫讓甘虧體

終軍敢領纓

野曠天連樹

淵澄月近人

伐木詩求友

食場詠好賢

霜露皆施惠

秋冬亦伏陽

恬靜過可少

飛騰氣頓張

移木接華手

旋天浴日心

每譙杜康酒

莫悲阮籍途

問道尊師傅

祀天極悚惶

澄心玩理妙

引領願承平

大同公宇宙

聖德作君師

羊祜懷仁德

馬周信相才

委運聽天命

陪京本奉垣

五常首仁義

兩儀分陰陽

羣雞能辨色

來雁每聞聲

冠履嚴名分

園亭集主賓

輦轂鍾靈氣

丹青貌古人

大道陳根本

深心運杳冥

忠孝嚴君父

藏修廣見聞

驢背詩情發

禽經要道傳

懷舊歌黃鳥

思賢詠白駒

光陰驚俯仰

身世感悲涼

世侈陋俗甚

秋涼清氣多

高懷每寫意

妙物自移情

短長莫相問

容止如有思

入廟事每問

屬垣辭易疑

文辭薄海內

俊乂滿巖廊

老友誰投分

孤懷祇默尋

海大龍鱗躍

天高鳳羽翔

惟真乃能動

必恆始有成

高文推左國

妙理會蒙莊

高士無俗想

天人有妙姿

詩書敦夙好

林園無俗情

成聯

墳典動遐想

園林杳俗懷

雲霄高宇宙

城市有山林

高懷歸寂靜

真理本中庸

神龍躍大海

威鳳翔高雲

大漠寒沙遠

長城落日圓

好文勞紙筆

適性屬琴書

多竹納涼處

皇華遣使詩

學而優則仕

情以逸乃長

醎淡孰真領

糟糠獨取精

五倫始夫婦

兩氣別陰陽

匡居求大道

臨政布嘉猷

要離有俠氣

聶政貽令名

孟軻豈好辯

宰我實能言

研易來知德

工詩杜牧之

操持嚴履道

旋轉賴磐才

居敬而行簡

盡人自合天

赤鱗躍河海

丹鳳下梧桐

大隱韓康市

易瞻端木牆

世情真轉轂

天道如張弓

六言

有猷有爲有守
無荒無逸無私
無心人緣無學
有德者必有言
好善則羣黎服
篤恭而天下平
登東皋以長嘯
履南畝而懷新
對外要持大體
登高能賦新詩
垂衣裳而治國

束冠帶以持儀
恐修名之不立
思寡過而難能
嘗尋心以審理
時矯首而遐觀
卑之無甚高論
去後猶有遐思
子路乃孔夙重
本初爲操所輕

七言

堂堂乎難爲張也
察察焉可謂明與

克治工夫求已盡
功名機會任天爲
明皇索環眞辱行
太宗背燭作謙辭
染綵新絲悲異色
輕羅紈扇引微涼
元結良臣唐世重
陶潛處士宋書尊
道塞孔傷鳳不至
節高陶詠鳥知歸
研精古籍阮文達
施政新畱陶子方

羊祜本來臣北魏
馬騰猶想起西涼
虞集能文工寫物
高歡滅主敢稱皇
宣宗嗣續常承續
天寶明皇竟不明
矯首雲霄宜廣志
動心欣感貴忘懷
書畫才名唐子畏
琴尊雅量晉淵明
聖答言游曰是也
人問子西云彼哉

景淵賢在樂不改

如孟方稱道既通

歷世光陰千古積

自天雨露九重新

巖岫潛藏誰感象

雲霄高舉慕遊鵬

氣莫凌空騰宙宇

道應居易履中和

淵短盜長斯曰命

邦仁羽異豈宜君

洪武涼薄異人性

順康仁聖荷天知

壹是以修身爲本

兩儀乃立道之根

李長吉玉樓仙召

孟山人金闕辭歸

捧日朝天奏金闕

流雲華月照丹楹

呂叔簡祀從孔廟

韓文公學冠唐家

九霄近日華增采

四野風和靜不聲

晚翠園林天曠遠

流丹樓觀地飛騰

蘭馨空谷人忘賞

葉落閒庭獨詠詩

日月轉九天不息

雲霄懸綵景常新

誰是好德如好色

可知成己即成人

惟德業乃能自立

事君親必竭真誠

寶此身名如持璧

念茲心性永銘盤

逸靜則心神頓放

疲勞與身體有虧

亡身斬獲悲韓信

盡力鞠驅屬孔明

仁廟御書珍墨寶

山家啓事重辭箋

山濤

商能假信以堅信

商鞅

殷每書空實捕空

殷浩

莫使中途竟稅駕

好遵正路勿抽身

因緣夙結深冥感

欣感相連豈路人

誰云英果爲敦復

張英王敦

世謂俶能轉宋高

錢俶宋高宗

慎德功夫惟慎獨
知人道理在知天
吉集福綏增悅豫
年高德劭仰儀刑
去垢磨光新德性
戶封家給慶康平
不資等進人驚弁
亦幸榮陞友振冠
跡晦靡疑別動意
歲寒賴有後彫心
仁者焉庸能口給
學人所貴在心維

咄咄逼人驚俗士
閒閒歷世得良方
地也誰非墳以入
天之不可階而升
修竹新荷見孤潔
寸陰尺璧衡重輕
敬恭爲積福根本
侈肆乃召禍因緣
熟成文字根功力
工妙畫圖逼寫真
溫清儀文修孝子
忠貞心事盡良臣

育民政策方王道

濟弱猷爲乃霸功

攝職即真有同異

睦民和國賴忠誠

動魄驚心要安定

移情得意重修持

萬國傾心爭隸籍

遐方稽顙盡來王

出有高車入華宇

侈多憤特飫羔羊

逸少書家慕厥筆

王右軍

林宗人望重其巾

墊巾亭

勿使宰烹等虛飫

亦虞涇渭過分明

別離封髮婦節重

紡績斬機母訓嚴

王右軍世稱書聖

李北海堪號墨皇

地據上游重邨洛

遊

人縻美爵坐朝廊

可與談人能有幾

知適道者本無多

方嚴正大真卿筆

俯仰從容永叔文

覆載惠深甘九頓

經營思苦累千尋

日昃周文求治意

忠貞晉息答君心

愛月夜涼人不寐

凌霄天邈孰能登

地府頗傳驚駭象

地獄

天仙飛下步虛聲

稱讚益虧譏誠美

美疾不如藥石

子臣禮盡父君尊

子房帷運能興漢

光武號稱乃并韓

詩無難解白居易

文去陳言韓退之

俗子假人皆取厭

微臣賤妾豈無賢

覆載無私天地量

維持不忘聖賢心

碑寫林宗思有道

郭有道碑

酒耽王績號無功

此日常昏飲詩

高子羔無形施惠

獲脫於難

甘興霸不祿猶靈

神鴉送客

杳不相連情自篤

羌無故實語能佳